

Broj:06-03-1033-12/36/15
Mostar, 06.05.2016. godine

Na osnovu člana 21., člana 37., člana 42., člana 84., člana 85. stav (2) i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) i člana 27. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 4. stav (3) i člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije u mikro-postrojenjima OIE broj 06-03-1033/36/15 od 09.12.2015. godine, podnosioca zahtjeva Proizvodnja električne energije „ORKAN 1“ Živinice, vl. Arslanović Ramiz, Regulatorna komisija za energiju u Federaciji Bosne i Hercegovine – FERK je 06.05.2016. godine na VIII redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije u mikro-postrojenjima OIE podnosiocu zahtjeva Proizvodnja električne energije „ORKAN 1“ Živinice, vl. Arslanović Ramiz.
2. Utvrđuje se Proizvodnja električne energije „ORKAN 1“ Živinice, vl. Arslanović Ramiz, status kvalifikovanog proizvođača u mikro-postrojenju solarne fotonaponske elektrane „MSE Orkan 1“ u periodu važenja dozvole iz tačke 3. ovog rješenja.
3. Dozvola za rad izdaje se na period od 06.05.2016. godine do 05.05.2028. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 09.12.2015. godine FERK je od podnosiocu Proizvodnja električne energije „ORKAN 1“ Živinice, vl. Arslanović Ramiz, pod brojem 06-03-1033/36/15 primio Zahtjev za izdavanje dozvole za rad za proizvodnju električne energije u mikro-postrojenjima OIE, te dopunu tog zahtjeva 14.12.2015. godine pod brojem 06-03-1033-01/36/15 i 04.01.2016. godine pod brojem 06-03-1033-02/36/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije u mikro-postrojenjima OIE broj 06-03-1033-03/36/15 od 07.01.2016. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 14.01.2016. godine pod brojem 06-03-1033-04/36/15, uz koji je dostavio dio traženih informacija i obrazloženja. U cilju cjelovitog upotpunjavanja dostavljene dokumentacije, FERK je podnosiocu zahtjeva 05.02.2016. godine dostavio Zahtjev za informacijama broj 06-03-1033-05/36/15, povodom kojeg je podnosilac zahtjeva dostavio 10.02.2016. godine FERK-u dopis primljen pod brojem 06-03-1033-06/36/15, te 08.03.2016. godine dopis primljen pod brojem 06-03-1033-07/36/15, kao i 31.03.2016. godine dopis primljen pod brojem 06-03-1033-08/36/15, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 4. stav (3), članom 15. stav (2) i članom 17. Pravilnika za izdavanje dozvola, pripremio Nacrt dozvole za rad za proizvodnju električne energije u mikro-postrojenjima OIE po zahtjevu broj 06-03-1033/36/15 od 09.12.2015. godine podnosioca Proizvodnja električne energije „ORKAN 1“ Živinice, vl. Arslanović Ramiz. Na osnovu člana 85. stav (2) i člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-1033-09/36/15 od 15.04.2016. godine usvojio Nacrt dozvole za rad za proizvodnju električne energije u mikro-postrojenjima OIE, te Obavještenje za javnost o opštoj raspravi o Nacrtu dozvole za rad za proizvodnju električne energije u mikro-postrojenjima OIE, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije u mikro-postrojenjima OIE na adresu FERK-a ili na elektronsku adresu, u periodu od 19.04.2016. godine do 29.04.2016. godine do 10:00 sati.

Do ostavljenog roka za dostavu pisanih komentara, odnosno 29.04.2016. godine do 10:00 sati, u FERK nisu primljeni pisani komentari na Nacrt dozvole za rad za proizvodnju električne energije u mikro-postrojenjima OIE.

U skladu sa članom 19. Pravilnika za izdavanje dozvola, voditelj postupka pripremio je pisani izvještaj, te je isti uputio podnosiocu zahtjeva na komentare 29.04.2016. godine pod brojem 06-03-1033-10/36/15.

Podnosilac zahtjeva je povodom navedenog FERK-u dostavio 04.05.2016. godine dopis primljen u FERK pod brojem 06-03-1033-11/36/15, u kojem je naveo da se slaže sa izvještajem voditelja postupka i da nema komentara.

Izveštaj voditelja postupka dostavljen je članovima FERK-a 29.04.2016. godine pod internim brojem 06-08-462/16, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju električne energije u mikro-postrojenjima OIE podnosioca Proizvodnja električne energije „ORKAN 1“ Živinice, vl. Arslanović Ramiz i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije u mikro-postrojenjima OIE i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonu o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize izvještaja voditelja postupka i komentara podnosioca zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljani su, u skladu sa članom 32. i članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu Proizvodnja električne energije „ORKAN 1“ Živinice, vl. Arslanović Ramiz da u rokovima propisanim u uslovima dozvole za rad za obavljanje licencirane djelatnosti proizvodnje električne energije u mikro-postrojenjima OIE iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić